



許太常歸田稿卷四目錄



五言律詩

秋日登東山偕金林二茂才二首

贈遂峰

中秋與鄒少府夜坐

二首

與少府飲末寧寺二

首

蠅

雪後徐將軍見訪

八月十七日携酒訪

餘甫

橋飲明月如晝

秋山

秋水

秋月

秋風

秋鴈

秋蛩

不寐

霜楓

秋分後熱甚

夜忽風雨遂有寒色

寄吳曹州

謝王太宰惠山牛姑

泉二首

答龍岡中丞

甲子元日

元日喜晴

穀日大雪喜姚元白見過

正月十七日徐將軍招飲

珠燈

走馬燈

春日集朱二尹宅

周少菊邀飲高座寺

雨中赴馬鷺汀約

贈馬鷺汀

二月十日赴鄭象湖約

節婦

甲子元日次尹宗伯

韻

市隱園宴集二首

次鳳墩自壽詩四首

輓黃滄溪大叅二首

輓毛石屋二首

贈環山上人

山中述懷凡十一首次韻

壽阮鳳墩次韻四首

何烈婦

蔡子木侍郎輓詩

中秋日同年四老携酒

秋日懷卓漱甫

祖堂寺

獻花巖

贈蘭谷

送陳子埜改令寧鄉

子埜赴任過行負我中秋之約追送靡及

悵然贈句

枕上聞鷄

寄張吉士以敬

輓楊禮卿三首

贈鄒比部

董子元移居二首

贈馮教授二首

送黎職方奔喪還羊

城二首

贈子埜二首

七月十五日小堂宴集

寄萬光祿思默

行清涼城上直抵儀

刺鳳

靜海寺送張龍岡尚

書

登閱兵樓

九日偕袁儀部尹公子登俞元海樓二首

秋日飲臨淮閣
王元宗邀飲高座寺

晚復登臺分韻得黃字二首

陳氏河亭次邢太史韻二首

送朱太常轉比部
輓張尚書三首

冬日登雨花臺
立春後大雪不止

酌酒贈鄭玉山兄弟

夏日簡方山同年
送宋舉人

答歐崙山博士
贈崙山

題包山牡丹圖
輓鄒東廓祭酒

輓趙浚谷都憲
輓羅念菴贊善

輓唐荆川中丞
送馮海桴赴滇南校

士
冬日偶成

白雪齋
岑蒲谷方伯以令子

司諫遇詔進階適壽七十寄賀四首

趙柱野中丞輓詩四首用舊韻

秦鳳樓侍御罷官有詩次韻

海桴自滇中校士還

題萱花園
袁吳門邀飲邀笛閣

又次吳門韻二首

華學博邀飲閣中

題有方齋

題傅秀才讓貢卷

題春風桃李圖

哭方山年丈四首

答梅茂才

贈薛給事

王太守輓詩

王恭人輓詩

夢中分題賦詩余得刀字醒來猶記末句

枕上因足成之

憶梅

夢萱

題鳳鳴圖

春日同阮僉憲郊游諸文學咸侍二首

計太史

送二道人

捕魚圖

松亭

九月八日與諸友登

雨花臺

吳母輓詩二首

雪中同諸友訪邢太史二首

至日適久雪初霽喜劉廷尉郭奉常帥膳

部見過

梅叅政輓詩二首

陳澄江輓詩二首

贈熊畫士

送朱婿

平溪詩

遣興

王文徵有春遊之約

雨甚不果戲柬 爾祝孫倩携榼過訪

幼于携酒過訪邀方鴻臚歐虞部

雪 答金老見懷次韻二

首 送歐崙山虞部歸田

二首 中秋對月有懷卓激

父率爾成詩寄上癸笑

吳毋鱗詩二首

休亭 戊戌八月與諸文登

羨二童入 謝魚圖

許太常歸田稿卷四

振錄西 稿卷四

上元許穀仲貽著

五言律詩

秋日登東山偕金林二茂才

昔人云此地曾是謝公游結伴尋遺跡登高喜

素秋圍棋憐曠達擁妓想風流嘆息豪華盡英

雄不可求

高人無太傅南國有東山逸興烟霞外芳名字

宙間良辰欣得友勝過好怡顏素望非公輔何

當此閉關

贈邃峰僧

群峰何太邃愛爾結禪林峰吐青蒼色林藏鐘磬音虎溪終是淺鷲嶺未爲深莫恠聽經者龍宮不可尋

中秋與鄒少府夜坐

海外飛明鏡秋光漾碧空絺衣沾密露銀燭受踈風舊賞人頻改圓輝歲自同逢君當此夕不獨慰飄蓬

河漢分秋色乾坤孤月明寧知今夕酒得共故人傾風鵲移層樹寒笳出近城應有來年思柴門待巨卿

與少府飲未寧寺

爲憶支郎好因同范叔來壺觴臨杏閣鐘磬出花臺巖日暮逾白溪蓮寒更開神驚二十載此日復啣杯

住世苦多累逢君得勝游禪枝雙鳥夕石塢萬杉秋淨域塵蹤滅清尊野色浮冠裳是何物耐

可廢林丘

蠅

羽垂何太細偏攬北窓眠呼引群飛黨猖狂九
夏天巧因移白黑陋是逐腥羶偶檢毛萋傳愁
歌止棘篇

雪後徐將軍見訪

雪後圍爐坐將軍策馬來雕盤崇異膳銀甕出
新醕高論疑霏玉橫吹訝落梅興來方解袂絕
勝剡溪回

八月十七日携酒訪餘甫

芳園訊友生結伴散幽情柳影依橋轉波光入
座清紛紜嘗鼎饌絡繹送歌聲最喜銜杯久飛
來寶鏡明

橋飲明月如晝

明月照迴塘留歡興轉長臨流看素影呼酒上
橫梁影徹宵如晝秋分露未霜亦知城漏盡欲
去更徜徉

秋山

南山勢最高秋至轉岩堯木葉千章落烟氛四
望消白雲常在眼金氣欲凌霄緱嶺吹簫處仙
人不可招

秋水

水色入秋澄微茫接遠汀無能辨牛馬長是集
鷓鴣波碧連層漢潭虛見列星幾時游北海寥
廓看滄溟

秋月

四時看素魄晃朗莫如秋桂影森堪數金波滿

欲流依微沾玉屑只尺傍瓊樓亦有胡牀興誰
同庾亮遊

秋風

涼風祛宿暑蕭颯起林端漸覺絺衣薄能令木
葉乾逐雲微送雨響夜陡生寒代謝常如此無
勞怨合歡

秋鴈

江上看鴻鴈翩翩自北來影連關塞遠聲入暮
雲哀何處封題至中宵客夢回弋人休重篡彭

尋蠶暫徘徊

秋蛩

涼氣夜蕭森
陰虫傍砌吟
物微偏應候
院靜總成音
獨客他鄉思
深閨遠別心
攬衣當此夕
悽惻故難任

不寐

枕簟宜秋爽
其如不寐何
角聲風外斷
蛩語耳邊多
往事嗟棋局
雄心愧太阿
自傷投散後
但益鬢絲皤

霜楓

節屆三秋晚
林鋪二月紅
老天厭黃落
特地着丹楓
色變清霜裏
光添落照中
吳江停棹處
愁對釣魚翁

秋分後熱甚

秋序已平分
如何毒熱新
火雲猶在眼
赤氣轉侵人
詎可辭團扇
能無卸葛巾
何當甘雨過
寥廓看蒼旻

夜忽風雨遂有寒色

秋深何太熱雨過倏生寒頓覺衣裳冷俄驚戶
宇寬淒清憐翠竹寂寞對青巒頃刻炎涼異今
從造化看

寄吳曹州

盛世求良牧名邦得俊髦新恩乘五馬昔夢應
三刀渤海科條簡陽城撫字勞遙知行部處黎
庶戀旌旄

謝王太宰惠山牛姑泉二首

舉頭全似鹿曳尾正如牛林下慵騰卧山中自

在游爲犧辭太廟負耒謝西疇不爲憐踈拙誰
能贈許由

神泉元自冽釀出更稱竒太宰移尊日山人對
菊時投醪真飲德乘醉好題詩從此蠲疴速扶
筇任所之

答龍岡中丞

朱紱重來好黃花復此筵旌旄諳野逕雲樹對
江天膠漆情元洽鹽梅望久懸山中供給少瓶
罄獨能添

甲子元旦

筭老須臾事重逢甲子年
栖遲慚綠野強健荷
蒼天檻淨梅英吐尊香
栢酒傳醉來看短髻獨
恠白於前

元旦喜晴

陰雲消未夜晴日轉新年
瑞景呈元旦歡聲動
普天卽看田畷喜定少
塞烽傳遙祝無疆壽心
懸魏闕前

穀日大雪喜姚元白見過

良友聚茅堂丹山下鳳皇
通家交意好新歲酒
盃長庭散紅燈彩簾搖
素雪光他年論盛會此
夕未應忘

正月十七日徐將軍招飲

猶是燒燈節將軍喜見
招錦筵開玳瑁碧椀瀉
蒲萄火樹星辰亂風庭
鼓角調醉歸乘朗月詎
惜馬蹄遙

珠燈

誰將珠萬斛結作九華燈
齒齒應千朵樓臺定

幾層在淵光本媚映火燄逾增入夜開筵處高
堂散列星

走馬燈

聯綴憑工巧薰蒸借燭光縱橫人影亂來去馬
蹄忙似是蕭追信何曾羽刺良爲供兒女笑漏
盡始歸藏

春日集朱二尹宅

少府開芳席春雲閣上生衣冠同里彥觴味古
人情暖氣蒸銀燭和風度玉笙不須金谷令滿

座句皆成

周少菊邀飲高座寺

刺史信風流尋春結伴遊開筵臨寶地張樂對
紅樓祗樹青初變楊枝綠漸抽飲餘看麗日猶
照虎溪頭

雨中赴馬鷺汀約

仙令返青溪邀賓坐竹西雨滋三逕滑雲傍四
簷低秉燭傳杯數彈絃奏曲齊爲酬投轄意歸
路任衝泥

贈鷺汀

自解花封印常叅雪竇禪靜中能避俗言下即
通玄性定攢眉後心清繡佛前幾時翻貝葉携
我鴈堂眠

二月十日赴鄭象湖約

仙吏別河陽栖真二水傍勿誇陶令宅全是鄭
公鄉勝侶逢春集華筵盡日張不應衰朽質於
此亦升堂

節婦

羨爾未亡人能持不二心青松存雅操黃鵠寄
哀音慈養情偏切宗祊計獨深高風回薄俗堪
繼栢舟吟

甲子元日次尹宗伯韻

天上青陽轉寰中寶曆開流光驚歲改幽谷喜
春回對酒和風入占雲瑞景來野人忘帝力擊
壤信悠哉

市隱園宴集

詞人耽吏隱玄圃似仙家勝日張高宴深林駐

小車過橋波色秀拂檻竹陰斜水而安新艇真
同上漢槎

池上蕩輕橈鍾山翠不遙濠梁元有興惠子獨
能招入網溪魚白牽衣水荇嬌城中唯此景相
近好相邀

次鳳墩自壽詩四首

仕路崎嶇甚中年早倦游獨尋三畝宅閒弄五
湖舟縱酒拚人棄狂歌好自由嗣宗青眼在相
對獨綢繆

明星昨夜現人說是狐南揚彩當晴漢流光到
石巖長生無異訣高舉總玄談清淨知天道吾
將學老聃

出郭耽青野看山戀翠微草深麋共卧麥熟雉
爭飛壯志羞看劍衰顏欲茹芝早知簞笠好悔
着侍中衣

對酒憐今夕論交憶少年我方窺十翼君已悟
三玄詎敢追高軌何妨結淨緣百齡倘無恙何
恨老雲邊

輓黃滄溪大叅二首

有美薇垣客相逢自禮闈諸君皆雨散唯爾獨
雄飛避席言猶在藏舟事已非平生知己淚遙
向嶺南揮

別去書難達人來計已聞星軺方問俗鶴駕早
乘雲行縈誰能染才高自不群林宗碑已立不
愧蔡邕文

輓毛石屋二首

茂苑風流客云歸衆所嗟壯心曾鼓篋世難獨

移家舟徙悲莊子琴亡嘆伯牙芳辰春酒在誰
問浣溪花

朔雪襟初解南風訃早催詞章留藝苑談笑隔
泉臺舊好無由續浮生信可哀秦淮秋月滿無
復踏歌來

贈環山上人

名山列四圍掛錫結松扉巖霧周遭入峰霞不
斷飛神龍依講席猛虎傍禪衣種就叅天栢何
曾出翠微

山中述懷凡十一首次韻

林壑好盤桓
升沉不用歎
囊中收杞菊
谷口種芝蘭
去就功名薄
縱橫宇宙寬
風來羞短髮
新製竹皮冠

見客拋簪弁
居然林下風
襟懷元自壯
骨相本來窮
徑煖花初發
尊香酒不空
莫將未來事
重問李虛中

無爲學老生
端坐玩虛盈
雀羽能爲蛤
楊花解作萍
澗松憐晚翠
木槿恠朝榮
烟烟雙眸在
看

山分外明

濯纓嫌濁水
炙背愛晴輝
學道心空切
謀生計轉微
閒身甘蠖屈
壯志說雄飛
莽莽雲霄侶
翻憐達者稀

卷簾高卧處
策杖獨行時
傲吏懷莊叟
良朋想惠施
一枝如可托
萬里欲奚爲
問字能携酒
陶然醉豈辭

端居辭應接
惜景獨徘徊
牧豕寧無地
攀龍信有媒
水流青澗曲
雲返碧山隈
唯有丹心在
難

同百念灰

方寸元如水生來寡愛憎何常窺妙有獨喜絕
因仍猛虎虛爲市冥鴻已避矰灌園吾性喜不
是學於陵

有懷吟杜若無夢畫麒麟澗竹生孫子巖星掛
老人愚溪真樂地巢父獨前身安得逃名客還
將此意論

用拙從人棄栖真祗自憐門閒羅可設室在磬
同懸夢蝶悲前事屠羊愧昔賢蠲疴頻煮藥不

爲學延年

老驥無遐志驚禽罷遠騫閉門車不整當坐席
俱穿山月飛孤鏡松風韻七絃講堂絲竹少不
是慢彭宣

四序頻流轉孤懷只自清伏金元避火閨月爲
消盈變幻浮雲態栖遲倦鳥情紆朱翻覺累不
及釣竿輕

壽阮鳳墩次韻四首

安石非忘世陶潛且息游鍾山尋舊宅淮水弄

扁舟獨樂真成趣無營信自由有時逢野父隴
上話綢繆

門對三山北堂開二水南釣魚臨曲檻采菊傍
重巖進退身無繫升沉口不談耆齡顏轉少應
不讓彭聃

婉變雲房淨透迤竹逕微階空蘭草茁天近鳳
雛飛睡起惟調鶴歌成半采芝近聞宣召急好
卸芟荷衣

中表踰同氣情親自稚年紅塵同脫駕白首共

談玄有意攀仙軌何時謝俗緣百年春酒孰願
醉浣花邊

何烈婦

藁砧嗟蚤逝閩閩豈偷生七載同庖義重泉共
穴情在家聞禮久臨難覺身輕從此青編上堪
書列女名

蔡子木侍郎輓詩

憶昨山樓宴公來恰送春豈知分袂後遂作蓋
棺人天遠台星墜堂空總帳新傷心秋色裏丹

旄問歸津

中秋日同年四老携酒

氣爽秋初半天空月倍妍携尊勞上客擢桂憶
當年灑氣凝仙旆清輝動酒筵異時懷勝賞霄
漢隔林泉

秋日懷卓漱甫

昔年逢九日把酒對清秋野菊開前圃丹楓映
小樓流萍還易散伐木自相求何日傾醇耐應
須浣別愁

祖堂寺

望望龍宮近行行鳥道賒雲門留古杏石閣鎖
晴霞盡日龍歸鉢虛空女散花何當謝塵網於
此閱年華

獻花巖

更覓深岩秀迴看雙闕明洞從空裏結人在畫
中行樹隱珠樓暗雲連石閣平不緣陪妙躅何
以愜幽情

贈蘭谷

九畹猗猗色難同衆草論栖真自深谷避俗豈
當門作佩幽香遠援琴雅調存足音元不至澗
露保靈根

送陳子楚改令寧鄉

美政似潘安星沙復改官花封重製錦梓里暫
停鞍自是牙琴古非關蜀道難時來看鵲起不
必詠湘蘭

子野赴任邁行負我中秋之約追送靡及
悵然贈句

良宵一尊酒思與故人傾忽報張帆去其如下
榻情經過牛渚鎮接近武昌城到夜看秋月能
無念友生

枕上聞鷄

枕上聽雞聲光陰向五更不因風雨斷偏使夢
魂驚猶記趨朝日能忘起舞情催人空白髮回
首愧功名

寄張吉士以敬

舊是文章伯今游著作林探書鸞閣秘搖珮鳳

池深華國操彤管匡時養赤心向來傾蓋處白
首愧知音

輓楊禮卿三首

把酒坐禪關長歌送子還豈知蓬島客不住鳳
皇山梁月空留彩爐丹豈駐顏延陵孤劍在欲
掛翠微間

擢桂各年芳神驚四十霜顧余先解組恠爾始
爲郎守道違當世尋真指故鄉如何覽玄化長
咲玉樓傍

之官來畫省訪舊過青林喜續投膠義驚傳屬
續音雲霞存洒翰山水罷橫琴雛鳳哀鳴地行
人淚滿襟

贈鄒比部

有美中朝彥溫良玉色同策勲逢聖主聞道繼
先公卽上雙龍闕因過一畝宮無能答玄論白
首愧顛蒙

贈董子元移居二首

舊林依浦上市遠好逃名見說憂烽火移居傍

郡城携家仍載鶴擇木暫遷鶯莫比西康去蕭
條杜老情
聞道三山上新營一畝居離鄉終是客有屋且
藏書寓目聊成趣全生豈願餘惟應問竒友依
舊數停車

贈馮教授

繫馬來官舍飛鳧別訟堂金山臨講幄鍊甕繞
宮墻扣處洪鍾應吟邊泗水香坐看桃李滿翻
勝在河陽

海內詞林客何人可抗衡過江尋舊侶入座贈
新聲解作梁陳調能言巢許情谷中聞妙響莫
恠曉猿驚

送黎職方奔喪還羊城

北堂辭鼎養南省促脂車啓後留丸膽還家罷
倚閭仙旌游鶴嶠淑行載鸞書君到牛眠地啣
淚定結廬

南海生竒士瑤篇擅藝林不緣花吐筆自是錦
為心天地論交晚江湖悵別深羅浮何處是飛

歸田稿 卷四
夢欲相尋

贈子楚二首

達士愛幽閒為官憶故山
纔乘雙鳥去即掛一
琴還興寄烟霞外
心存藻翰間
聞君尋舊侶先
為掃柴關
舉世慕輕肥君胡解印歸
共誇詩律健翻咲
宦情微五斗辭官舍
三山掩舊扉
囊中定羞澁且
辦釣魚磯

七月十五日小堂宴集

蓬屋難銷夏甘霖忽送涼
偶成避暑會即是聚
星堂節序初流火
弦歌已應商
何當賒夜月留
醉紫薇傍

寄萬光祿思默

典祀別清曹調羹佐大庖
名家欣濟美藝苑愧
論交出入瞻皇極
登庸遇泰交由來
阿閣上穩
結鳳皇巢

行清涼城上直抵儀鳳

車傍雉樓行飛甍
抱帝京水中千艦列
江外衆

山明爽氣迎衣袖高風捲旆旌保邦須設險仰見聖皇情

靜海寺送張龍岡尚書

西海何年靜東林此日過江雲生殿閣梵語隔藤蘿上客停丹轂山人卸綠荷到來宜問法無奈奏驪歌

登閱兵樓

爲送朝天客同登閱武樓舳艫依曲岸蘋蓼接芳洲日暮觥籌亂江清鼓吹幽防微有長計好

去獻宸旒

九日偕袁儀部尹公子登俞元海樓

風雨臨佳節龍山罷出游偶然逢二妙携我上層樓秀野看玄圃烟花眺帝州尊前陶謝手佳句若爲酬

共有登高興言尋聚景樓地藏新結構客遇舊風流閣道逶迤上風光遠近收誰能辭美酒不爲主人留

秋日飲臨淮閣

傑閣傍淮流波光入座浮主人邀勝侶列宴及
清秋月上籠寒水燈明見戍樓銜杯逢此景何
事不淹留

王元寀邀飲高座寺晚復登臺分韻得黃

字

出寺漸昏黃登臺戀景光凌虛沾杳靄眺迥見
微茫無奈繁絃促翻憐綠酒長莫携餘興去猶
說待重陽

仙吏挈瑤觴邀賓到上方山深雲總白秋老樹

爭黃雅調逢詞聖玄談對法王乾坤均是客乘
興且徜徉

陳氏河亭次邢太史韻

何處少塵埃芳亭結伴來市中藏澗壑堤上結
樓臺蒹葭種淇園竹新移庾嶺梅最憐鍾阜月流
影照金杯

秦淮多麗景水檻喜全收砧杵千門夜芙蓉兩
岸秋過墻看霽月鼓柁見歸舟借問濠梁客何
如此地游

送朱太常轉比部

容臺報政成新命
佐秋卿去路經仙壤
瞻天上
玉京龍樓紅日近
蘭署白雲明
讞獄知平恕
虞廷本好生

輓張尚書三首

歎息老司徒
風流絕代無
奏功趨上國
觀化向
中途補衮心
空切為霖望已孤
祗今非西歲
胡乃夢魚符

望裏是家園
云胡命不延
素旗空返國
珠履罷
朝天夢斷昌平下
魂歸太岳前
今朝道傍淚
莫為直如弦

憶昨聽驪駒
江樓勸酒卮
豈知分袂後
卽是上
仙時
藝苑凋宗匠
天朝失羽儀
不知彤管客
誰撰李公碑

冬日登雨花臺

南郊建子月
臺上氣全溫
高樹留霜葉
空崖見
燒痕風江催
萬舸城靄暗
千門此際非
高况何
人解舉尊

立春後大雪不止

入春三日雪積素欲平橋自是陽和淺非關朔
氣饒登樓看是漾閉戶任蕭條獨有啣杯處能
令凍色消

酌酒贈鄭玉山兄弟

論文仍故里結友自髫年寂寞蔣生逕風流二
仲賢長時携酒盞盡日對江天若問同時客令
人意惘然

夏日簡方山同年

不見同袍客神驚三月餘病來踈故舊老去惜
居諸賓館有誰過高懷知晏如立言聞滿案莫
著絕交書

送宋舉人

別駕乘雲久仙郎擢桂新藏修知積歲利見喜
逢辰對策天門曉看花上苑春顯親須報主不
獨羨冠紳

答歐崙山博士

逃名卧一川枉駕見高賢星聚元無約神交信

有年張燈開竹牖
茗汲松泉踈謬慙同調
虛勞駐錦韉

贈崙山

曲塢散輕烟和風上几筵
詞林逢勝侶良會及
春天宦轍蘇湖後才名屈宋前
坐來揮綵筆四韻總堪傳

題包山牡丹圖

詞人拈綵筆寫出洛陽花
葉似含朝雨花疑簇
晚霞繒中看國色圖裏見天葩
試問黃荃後何

人是作家

輓鄒東廓祭酒

盛世老司成高科擅美名
忤時勞佐郡守正罷
持衡談道元無意匡時剩有情
衰遲勞翦拂聞訃欲沾纓

輓趙浚谷都憲

關內多豪士如君氣更雄
鸞臺俄解印虎帳獨
臨戎係頸占初志忘身見朴忠
龍韜期再試詎意泣彤弓

輓羅念菴贊善

貢水一分袂玄潭路已賒世方瞻斗嶽歲乃遇
龍蛇上䟽千皇譴歸田沫道涯玉堂標美行詎
止擅詞華

輓唐荆川中丞

翰苑論才子如君是賈生建儲留大䟽去國擅
高名偶為平夷出爭看仗鉞行身殲勲未立空
負濟時情

送馮海桴赴滇南校士

勿謂南中遠長途匹馬輕羅才酬盛世覽勝愜
平生山色周遭出夷風各自成倘過諸葛壘知
爾想南征

冬日偶成

拂袖歸田後年來一事無坐中雲是伴興到酒
為徒閉戶朝慵啓科頭晝不梳妾心灰共冷蕭
散且從吾

白雪齋

白雪映高齋虛窓晝不開琴書增皎潔几杖絕

塵埃獨許曹騰卧渾忘車馬來靜中多郢唱佳
句若爲裁

岑蒲谷方伯以令子司諫遇詔進階適壽
七十寄賀四首

碧山藏大老青瑣見仙郎習靜增遐筭馳封表
義方書傳金簡秘誥續紫泥香吉日開華宴歡
聲動海陽

解政歸南海藏真有歲時谷生九節草庭長萬
年枝濟美徵家學揚芳託制詞逍遙知不老即

此是安期

何歲遠芳躅含香憶舊遊藩垣辭缺鉞蓬海結
丹丘玄思書中見風神夢裏求新詩字字好應
不讓嘉州

諫議爲邦去從誰問起居偶逢江上客喜接嶺
南書藻翰鍾王並交情管鮑如高年才轉徙衰
謬倍憎予

趙柱野中丞輓詩四首用舊韻

中丞傳訃至白日慘江門珪璧埋層壤鵬鵬罷

遠騫直聲留獨坐峻望接東垣可惜經綸手空
餘疏草存

相望唯一水尺素恨多違高卧聞將起長游嘆
不歸鵬飛文已就舟徙事全非造化憎名盛非
關薦引稀

禮署相逢日驚心三十春昂藏山嶽象磊落廟
堂人未展匡時策俄捐報主身此時遙洒淚不
獨爲交親

膠漆情元合行藏性總便傷心聞薤曲懷舊把
瑤篇聚散方疑夢虛空已入禪栽培無定理何
處問蒼天

秦鳳樓侍御罷官有詩次韻

有幸攀仙駕無端慘別顏還家三徑在去國一
身閒好着逍遙服休談供奉班重尋考槃處澗
水自潺潺

海杼自滇中校士還

校士返滇池重來問故知浮游山水勝來往歲
華移王化無中外民風雜漢夷歸囊無長物太

半是新詩

題萱花園

庭下金萱色栽來近北堂長條含宿雨嫩萼映
驕陽性定還須養憂深恐未忘獨有閨人佩年
年報弄璋

袁吳門邀飲邀笛閣

山公拋啓事騎馬出銓司覽勝尋幽閣開筵集
故知潮侵沙岸濶月過女牆遲取醉酬高誼渾
忘兩鬢絲

又次吳門韻二首

秦淮圍錦甸佳麗擅留都傍閣筵初敞邀歡興
不孤到來逢素節看去即蓬壺爲近高陽里能
無愛酒徒

雨久苔生檻雲開月在天空虛臨水國市近接
人烟袁紹尊常滿陳蕃榻豈懸不綠青眼在衰
白詎相憐

華學博邀飲閣中

博士聚高賢臨流復此筵鍾山晴捲霧淮水夜

歸田類 卷四
籠烟對酒憐今夕論交憶昔年坐深聞玉笛懷
古思悠然

恒兒買田南郭去家僅十里許游衍從心
定省不廢太史雉翁為題其居曰有方
齋蓋取游必有方之義余因賦此作紀
之

二頃依南郭謀生計頗微望中親舍近坐處俗
塵稀每日騎驢去長時負米歸彈冠吾願汝勿
戀芟荷衣

題傅秀才讓貢卷

舉世盡爭名君胡遜友生遙知逃祿意卽是讓
王情歲罷揚州貢心耽谷口耕何當訪高士重
過豫章城

題春風桃李圖

驄馬過南畿英才入範圍陽和纔扇播桃李盡
芳菲倡導先倫理陶鎔比化機薦賢元為國持
此答金扉

哭方山年丈四首

此老遂云逝初聞涕橫流正人難再得同氣罷
相求著作千篇在菁華一旦收想應丹已就天
上作仙游

同歲魁春榜都人走馬看竟忘葭倚玉翻愛臭
如蘭往事空朱紱衰年各釣竿幽明今異路琴
在向誰彈

到來聽法語別去想雄姿未解分襟恨俄成屬
續悲山林消壯志泉路斷交期亦有延陵劍終
懸隴樹枝

抗俗名元重栖山道益尊廟堂經濟隔邦國典
刑存接武生佳胤傳經擁哲孫長游定含笑底
用賦招魂

答梅茂才

剡舟何不至陳榻且須懸夢裏芝顏隔人來錦
字傳江流腸獨浣楊葉箭能穿明歲登雲侶輸
君獨妙年

贈薛給事

諫議抱忠貞當年侍玉京阜囊存大疏白馬擅

高名去國緣何事還家說養生可能忘魏闕定
有子牢情

王太守輓詩

束髮馳文譽青年綰郡章才人今鮑謝循吏舊
龔黃自解黃金印唯耽薜荔裳近聞乘鶴去定
在白雲鄉

王恭人輓詩

卓益初捐館霞衣亦上仙往來陪五馬先後揜
重泉淑行香閨著徽音紫誥傳顯揚三鳳在接

羽看冲天

夢中分題賦詩余得刀字醒來猶記末句
枕上因足成之

鍛鍊借良工磨礪勁比風夢時分一郡佩處應
三公莫道雞堪割須知革易通獨嗔鋒刃毒翻
在笑談中

憶梅

岡畔梅千樹仙翁隱在茲巡欄頻索咲開閣幾
吟詩依舊寒香在其如夜壑移過庭懷獨立清

淚洒南枝

夢萱

堂背忘憂草曾怡聖善情每開春酒宴常奉板
輿行翠帶迎風軟金葩映日明只今魂夢裏晝
錦儼如生

題鳳鳴圖

瑞鳥稱威鳳凡禽未可同餐時唯竹實栖處是
梧桐不過秦樓側曾巢阿閣東虞廷今好去舞
向九成中

春日同阮僉憲郊游諸文學咸侍二首

明時值艷陽出郭共尋芳入塢緋桃滿穿溪碧
柳長探幽經古寺眺迥上層岡不爲高賢引能
無負景光

同是投簪客因爲拾翠游繁英迷錦甸晴日映
紅樓童冠陪春服鶯花送酒籌佳辰逢勝侶那
得不淹留

送二道人

翠竹隱雙泉同游謝俗緣伐毛尋異客服氣覓

真傳爐煮青精飯囊收玉笈篇預占成道日結
伴入壺天

捕魚圖

長河新水起一望盡烟波小艇衝潮去織鱗入
網多斜陽收雨笠明月挂烟簑沽酒烹鮮坐歸
來發浩歌

松亭

松下結幽亭風濤靜可聽映窓呈黛色夾路作
龍形展卷依青障橫琴倚翠屏地偏人不到城

市卽郊垆

九月八日與諸友登雨花臺

駐馬共登臺山河信美哉佳辰九日近高會十
人來菊酒唯須飲牛山底用哀雲騰詩已就不
是雨能催

吳母輓詩

天路逢佳嗣坤儀仰太君板輿方愛日鹿駕早
乘雲草萎金萱色星藏寶婺文揚名待鸞誥慈
教永芳芬

延陵今壽母蓬海舊仙姑辛苦留熊膽飛騰見
鳳雛人將觀列鼎客已奠生芻門在還誰倚知
君泣畫圖

雪中同諸友訪邢太史二首

習嬾違芝宇驚心已隔年偶衝梁苑雪來赴玉
堂筵國瑞占三白朋歡對八仙如何尋戴者溪
上遽回船

飛雪歲云暮垂簾氣不寒追隨欣有伴蕭散總
無官地以瑤臺比花將玉樹看病餘思禁酒今

夕醉須拚

至日適久雪初霽喜劉廷尉郭奉常帥膳

部見過

雪霽逢長至柴門駐玉驄尊前欣道長林下願
年豐階靜月同白杯闌火尚紅不應尋戴者廻
棹興先窮

梅叅政輓詩二首

自鮮薇垣駕栖山今幾秋謝安將召起梅福已
仙游天墮中台象人移夜壑舟獨欣青瑣上諫

民日報
卷四
三
疏至今留

槐鼎期應近龍蛇歲倏臨祗全違俗性終負濟
川心藩省傳遺愛騷壇播雅音迴看雛鳳翥含
咲帝鄉深

陳澄江輓詩二首

同榜復同心論交歲月深蒼蠅曾附驥倦鳥各
投林愛把停雲賦驚聞屬續音幽明從此隔垂
老獨沾襟

爲念青門叟嘗移剡曲舟卷披新製作人愛舊

風流廿載傳芳訊三山許再游豈知乘鶴駕不
爲故人留

贈熊畫士

寫照自童年長游戴鶡冠秘傳非紙上巧思在
毫端顧我形容老兼之鬢髮殘多君善描畫翻
作壯夫看

送朱婿

翩翩羽戟光駐馬送離觴轉餉過燕市場旌別
建康到時應涉夏歸路正飛霜側想旋車日當

途有薦章

平溪詩

倚檻看平溪清流接遠隄對門沙鳥宿隔岸水
禽啼落日移舟處清秋把釣時祇應巢與許能
向此中栖

遣興

抱朴非懷璧藏書勝積金靜來捐二瘴老去惜
分陰仙骨知難換霜毛苦見侵題詩能遣興倚
檻發長吟

王文徵有春游之約雨甚不果戲柬一首
有約共尋芳追歡興頗長豈知春淡蕩翻作雨
淋浪塢裏花初放樽中酒正香明朝看霽色還
上振衣岡

爾祝孫倩携榼過訪

積雨妬芳春端居氣不伸勞携銀甕酒來訪白
頭人紅蕙穿林暗蒼苔繞徑新高談能撥悶須
爾往來頻

幼于携酒過訪邀方鴻臚歐虞部

君住吳中棹余開白下堂邀來皆上客携過有
清觴寒夜生春色踈燈避月光獨慚詩思蹇何
以報璠章

雪

臘盡頻飛雪空庭一尺深巷幽爭犬吠樹暗斷
來禽宿麥偏宜潤踈梅似不禁到門無縣令自
擁閣中衾

答金老見懷次韻

一室自藏春惟將綵筆親紙窓常見月卉服不

沾塵白眼看浮世青山結近隣冰霜傳秀句垂
老見丰神

麋鹿久爲群喧囂本厭聞仙源空在望靈藥幾
時分浪迹山兼水題詩我共君等閒臨耄耄往
事一浮雲

送歐崙山虞部歸田二首

畫省清風著詞場秀句傳分襟逢此日傾蓋憶
當年鄉思遙天外離尊落照前他時懷令範惟
有夢相牽

老去別交知臨風涕欲垂江邊駒唱處天上鴈
來時勇退全臣節歸休荷聖慈還家看嶺樹依
舊發南枝

中秋對月有懷卓漱父率爾成詩寄上發
笑

皎皎波心月烁中分外明君開武林閣余卧建
康城叢桂階前發孤鴻雲外鳴獨憐今夕酒千
里不同傾

許太常歸田稿卷四終 武林卓明卿漱父校

許太常歸田稿卷五目錄

五言排律

大司寇景山錢公八十壽詩二十韻

魏國篤軒公七十壽詩二十四韻

都尉梅老夫人百歲壽詩十二韻

徐文敏公祠堂詩二十韻

吳山人見過時黃菊正開因留賞入夜山

人賦詩六韻走筆和答

橫厓携酒看菊再用前韻

七言排律

送梁伯龍游名山

許太常歸田稿卷五目錄終

許太常歸田稿卷五

上元許穀仲貽著

五言排律

大司寇景山錢公八十壽詩二十韻

大老何年隱遐齡此日登睢陽圖始繪崧岳瑞
先徵圭璧材元羨滄溟繩本弘詞場工著作甲
第快騫騰首部看公入同寅愧我曾清方人不
及水鑑世同稱獻替聲名重金緋品秩增兩京
觀履歷八座絕依憑明允推公綽風流想季鷹

民日報
拂衣辭畫省策馬去鍾陵綠野堂初敞烏皮几
獨凭數年臨大耋就日詠初升朝降新綸綽恩
加舊股肱剪袍麟角現橫帶玉光澄綺席陳瓜
果荷風散鬱蒸簪纓排子姪蘭玉擁孫曾地勝
靈椿茂關開紫氣凝徐觀桑海變先見後車乘

魏國篤軒公七十壽詩二十四韻

當代推元佐中山第一功萬年延厚祿七葉見
明公靈氣元鍾昴神姿本降嵩鳳儀直挺秀燕
額豈稱雄運際今皇出恩承首爵隆綰符居

舊國歷世抱清忠弁冕承禋祀干城奠鎬豐人
尊威訓久神饗駿奔同旣擁貂蟬貴兼施閎閱
崇持身惟靜約守道自謙冲伊陟追先烈兼謨
紹祖風古今人不忝華夏譽無窮歲序林鍾應
關門紫氣通一星朝極北五老下江東筵敞冰
山畔孤懸雪檻中堯萇舒八莢莊樹吐千叢獻
瑞祥徵雀承歡慶衍螽身強知不老貌澤羨如
童共道岡陵象宜扶日月宮匡時銷帶甲靜海
罷彎弓帶礪盟悠遠金湯氣鬱葱中朝爭寵眷

南國未併幪芝草年年綠蟠桃歲歲紅自今迎
上壽樞府卽崆峒

都尉梅老夫人百歲壽詩十二韻

江南稱壽母獨有太夫人坐卧三山宅逍遙百
歲春瑤星光降瑞濛澤舊爲隣德與蘭均馥儀
將玉比純早成君子配上接帝家親出入蕪文
武恭勤奉藻蘋中年歌燕鵲盡日對松筠教子
成陶譽之官厭洛塵潘安能解印桑母愛怡神
遐筭期願至清強少壯倫緝緝功不廢升降禮

猶遵即此知難老麻姑恐未真

徐文敏公祠堂詩二十韻

少宰乘雲去新祠傍郭開雕甍山掩映石檻水
縈迴修竹周垣列喬松夾路栽堂中瞻綬冕天
上訝歸來竊憶臨軒日公稱間世才早探金匱
秘獨占玉堂魁貌比珪同潤文將錦作堆講經
登御幄起草坐蘭臺晉接承三聖雄飛逼上台
銓廷掩裴馬藝苑謝鄒枚行縈翻蒙毀名高苦
見猜吳江尋水石商鼎阻鹽梅宣室思猶切長

沙賦已裁存，亾沾廕。謚生死，備榮哀。蹇劣叨甄錄，登庸脫草萊。披沙容瓦礫，相馬及駑駘。赤牘勞頻贈，華筵許濫陪。碧山千里隔，泰岳一朝頽。遺像風流在，穹碑紀叙該。丞嘗延百代，嗣服詠昭哉。

吳山人見過時黃菊正開，因留賞入夜山

人賦詩六韻，走筆和答
杜門忘改節，開閣見飛霜。新酒浮杯綠，寒花遶砌黃。升堂勞解帶，促席好傳觴。延賞消曦影，留

歡借燭光。謫仙詩本聖，司隸酒非狂。莫作咸陽夢，并州即故鄉。

橫厓携酒看菊，再用前韻

寂寞東籬下，寒花獨傲霜。喜君停玉節，就我送霞觴。大谷梨偏白，淮南蠙正黃。醅醕慙畢卓，曠達愛知章。千古風流韻，于今在一鄉。

七言排律

送梁伯龍游名山

詞人何處出烟蘿，覽勝長游逸興多。欲上岱宗

觀赤海將從底柱眺黃河行經箕水應懷古坐
傍蘇門好放歌少室三花知幾許玄都千樹定
如何卧龍岡近聞先到戲馬臺高想更過獨謁
孔林悲鳳鳥誰從梁苑看銅駝廬山豈不思匡
裕湘渚能無吊汨羅倘躡衡峰書好寄若尋顏
記字全磨周郎壁在風猶壯習氏池空水自波
處處登臨搖綵筆知君終日有吟哦

許太常歸田稿卷五

終

武林卓明卿澂父校

許太常歸田稿卷六目錄

七言律詩

謝政口號四首

江上送盧司業是日

罷官報至

阮祠部載酒過訪

送王太守赴南雄

送龍太守赴程番

答王元簡

喜雨

吳揚波張君弼鄧君章自南雍過別留飲

答姚元白

辛亥除日

新年寄山中故人

山中答友人二首

清明阮祠部見招以疾未赴 文八二首

對酒偶然成句 再答友人

壽冶城兄 盆蓮盛開遣阮祠部

至留飲 劉中丞壽詞

花下與諸友小飲 偶成

懷陳大羽伯 陸思豫輓詞二首

田居值雨 簡孟錫時棄淄令還

送葛太守赴洛陽 奉和大司寇顧公引

退思留之作 春夕顧淵甫載酒過

訪席上次余伯祥韻

文太史贈詩依韻奉謝

再賦謝文文 山堂新成簡太守姚

丈 趙子明載酒奉姚丈

訪予山堂 黃民部李水部出郭

見訪 阮職方過草堂作

答陳叔行 五十初度二首

王元簡春捷報至 新秋內親載酒過訪

秋日江右諸舉人集飲

誕日謝朱老惠鶴 贈劉太守

喜文大壽承至 謝周君可見過

送沈子節還浮梁 九月一日淵甫載酒

過草堂作 懷顧世安

九日小堂偶集再別沈子

送太學楊義問乞假還甬東成婚

送汪秀卿乞假歸省

冬日伯祥載酒過訪同唯夫淵甫

蕭子發携酒偕殷夢弼樂孚先余唯夫趙

子卿魏壽甫周以公見過時余小病禁

飲 贈鄭子引

送余唯夫 送汪元鶴乞假歸省

癸丑除夕 送謝叅政赴浙江

送王宮諭奉詔還春坊

張觀察乞歸得允 半橋詩贈陸丈

題陸丈全室 玉陽壽詞

秋興八首 贈醫

馮汝強哀詞 九月廿五日同客泛

舟自石城直抵江上

徐太守自宛城至陳憲察邀余夜集話舊
送徐太守兄弟

臨發贈句

金隱士移家入宣城
高太僕許過白下俄

拜順天尹有書寄別竟不果會悵然贈
句

憲察

王司馬園賞梅備張
贈傑上人

三月晦日阮駕部李水部過訪

夏至日同年諸公集貽穀堂次陳憲察韻

送袁宗聖會試

西泉壽詞

謝高侍御寄試錄

送張月鹿

文洲壽詞

送武四赴選

雪後盛仲交偕徐子勤携酒見訪真州盛

當時適至

送陳子野會試

余未登泰山讀顧尚書書陳士雅扇頭之

作益若身陟其顛矣士雅屬和因賦

春雪次康宗伯韻

乙卯除日書懷

丙辰元日

春日獨坐偶成疊前

韻

送沈生還浮梁

答費山人

至日雪次林太常韻

二首

薛仲常憲副自關中

棄官見訪留飲贈句

太常邀賞牡丹以病未赴林公有詩次韻

趙太守宅賞燈值雨

魏國篤軒公壽詞二首

送周水部赴蕪湖 答黃聖生

送王伯諧赴選 贈陳星士

謝朱太守惠梨

答汪道甫見懷

贈馮戶部

姚母壽詞為令子元

白賦

和孟錫秋夜之作

姚太守宅讌集

田居新成對酒有作

兼示兒輩

冬日獨坐成詩二首

陳太夫人壽詞

栢臺雙壽詩為朱侍

御作

棲霞寺

觀攝山泉有懷先考功封君

登觀音閣 示六館 司馬憲副以游棲霞

寺詩見示次韻 贈呂丞

中秋喜馮侍御謝考功至

送羽伯赴陝西叅議

贈高學職 秋日飲司馬憲副宅

送大司徒馬公考績

贈潘醫士 盧苑卿宅賞菊

贈鄭羽士 贈周公瑕

送勞進士 與陳九臯話舊

答楊以公憲副見懷

計太 大宗伯孫公枉過贈詩依韻奉謝并訂芳

春之約 除夕次顧孝常韻

七 送余伯祥讀書永興寺

贈何翰林致仕居金陵次文太史韻

送兒輩讀書山莊 盧比部邀飲鳳皇臺

席上分韻得花字

庭中大紅牡丹盛開席上次司馬憲副韻

九日小樓宴集承卓激甫高篇紀會奉和

曾何命本姓士吾金刻次文太史簡

送余由平齋書果興寺

春之際

斜夕大贈李常簡

大宗自孫公志盛韻精亦簡奉撫并信芳

許太常歸田稿卷六

上元許穀仲貽著

七言律詩

謝政口號四首

詔過留都喜罷官罪疑遙荷聖恩寬久叨軒冕
曾何補乍到林泉已自安郭外旋分桑落酒花
間新製鹿皮冠陶然獨著閒居賦書遍空庭竹
萬竿。

南北支離太不禁鏡中華髮漸盈簪自憐衣褐

空懷玉誰信披裘不取金豈有勲庸書鼎夥悔
將軒蓋出山林相逢莫訝懸車早野鶴閒雲思
已深

謝政遙傳天語至恰逢多病忽身輕長途敢愛
馳驅力豐草其如麋鹿情滄海側身天地濶詩
書投老夢魂清向平更喜無婚嫁五嶽秋來擬
結盟

五十無聞人共棄素餐真愧大官錢馬援薏苡
何須問范蠡江湖信有緣海內未拋金鎖甲雲

中時動白狼烟籌邊幸藉諸公畧從此幽人得
晏眠

江上送盧司業是日罷官報至

卮酒臨江獨送君江湖廊廟此平分林間松菊
開三逕天上衣冠入五雲同榜聲名真忝竊十
年岐路各紛紜他時鳳閣思牛渚可憚魚箋托
鴈群

阮祠部載酒過訪

晚天携榼過茅堂坐對連枝笑語長旋著芰荷

忘綬冕幸辭朝省卽家鄉虛簷夜月窺人白首
夏江魚入饌芳霄漢願君弘大業漁樵今已屬
踈狂

送王太守赴南雄

黑頭分虎別留京節操承家舊有名海上寧親
馳五馬嶺南行縣駐雙旌賜金預卜他年寵折
柳難禁此日情亦是中丞門下士垂竿今已負
昇平

送龍太守赴程番

粉署風流衆所推殊方今去擁旌麾共傳聖代
求良牧暫借文翁化遠夷才大不妨摘藻興政
成應有賜金時白頭江左垂綸客十載多慙鮑
叔知

答王元簡

風塵久負薜蘿居彩服從今慰倚閭三逕舊開
還種菊數椽新構可藏書中年已辟留侯穀盛
世長懸廣德車兩月蓬蒿都不剪喜無軒從到
堦除

喜雨

長夏全憂雨澤稀夜來忽聽洒松扉空中似有神龍怒庭外虛傳石燕飛嵐潤稍沾燒藥鼎溪流平接釣魚磯江湖獨為蒼生喜禾黍豐年願不違

吳揚波張君弼鄧君章自南雍過別留飲
投簪此日賦閒居較藝當年謝起予五柳宅中堪對酒三山門外暫停車雲程在眼年俱壯岐路分襟歲欲除他日江南思嶺北空山無伴獨

踟躕

答姚元白

丘壑歸來杖屨輕文章天地一虛名浮雲不改鍾山色芳草何孤白下城巖畔紫萸牽野興澗西黃犢伴春耕十年自愧紆朱紱未有涓埃答聖明

辛亥除日

一年將盡戀茲辰草閣重看薦五辛解組乍違金馬詔捧觴仍對白頭親虛名滿世才終忝初

服還鄉樂更真來歲買田多種秫閒心將付甕
頭春

新年寄山中故人

林塘淑氣動青蘋野徑條風洒葛巾鏡裏蹉跎
雙短髻寰中蕭散一畸人堦花欲帶輕烟吐池
草全經細雨新爲報山中舊同社今年倍賞故
園春

山中答友人二首

角巾歸訪故山隈但見江雲入戶來顧影已成

丘壑相逢時元愧廟廊材門閑雀網直堪設機
息鷗群不用猜不是詞人騎馬過竹林應負菊
花杯

當年仗劍別東關此日懸車返北山芳草宅邊
隨意綠白雲天外與心閒到門泉響應堪聽繞
逕松枝翠可攀自笑嵇康多忤俗敢云陶令早
知還

清明阮祠部見招以疾未赴

苦憶風流阮步兵芳春臺榭對江城緋桃夾路

全迷蝶綠柳當軒好聽鶯自笑文園常抱病每
懷玄圃倍含情佳辰令節邀歡地銀盃金杯阻
共傾

對酒偶然成句

鸞鶴空林伴嘯歌青山容我意如何天邊勲業
空彈劍江上生涯只荷簑素行敢云持白璧畏
途真似涉黃河年來抱病踈朋舊莫恠閑門藉
草多

再答友人

春來蓬鬢轉星星倚杖唯尋舊釣汀過眼歲華
雙箭括藏身天地一鷓鴣山人對坐談真隱漁
父經過笑獨醒絕愛北窓眠更穩却嫌鶯語太
丁寧

壽冶城兄

吾兄忠信久忘機長日焚香獨掩扉身外浮名
無罣礙眼前喬木有光輝能消歲月唯尊酒不
惹風塵只布衣竊喜掛冠隨杖屨百年同看春
鷓飛

盆蓮盛開適阮祠部至留飲

瓦沼紅蓮並吐花留歡欣駐省郎車香風似可
祛炎暑蓬鬢能無感歲華梓里難逢青眼客越
溪今在野人家冰盤莫笑無供給亦有東陵五
色瓜

劉中丞壽詞

西南控節遠夷平當代中丞最有名闕下上章
辭鼎軸山中開社集耆英閑身問道黃眉健清
夜憂時白髮生愛日郎君馳五馬楚天回首見

長庚

花下與諸友小飲

雨後輕風洒座來薇花蓮朵故爭開舞雩久負
乘涼約河朔今傳避暑杯合志由來忘爾汝披
襟卽此出塵埃蔗漿茗飲堪銷夏莫惜高談入
夜迴

偶成

兩年高卧愛吾廬木榻荒涼亦晏如陶令但教
尊有酒馮驩休嘆出無車濟時惡說衝星劍銷

日閑翻插架書晦朔屢更寒又暑分明天地有
盈虛

懷陳大羽伯

苦憶平生陳孟公經時不到碧山中離群尚想
杯同把閉戶懸知賦益工搖珮幾年趨闕下擁
旄同歲別江東行藏夢幻交情在莫遣詩人味
國風

陸思豫輓詞二首

嘆息高門殞後賢玉堂文獻竟誰傳駟車已負

相如志鵬鳥空傷賈誼年雲鳩晝沉滄海日藥
爐秋冷石堂烟慙予亦有延陵劍何日來懸隧
樹前

投簪歸卧石頭城常憶雲間陸士衡只以行藏
分世路豈知生死隔交情閣中聽雨連床坐海
上看山並馬行知已似君寰內少匣琴從此不
須鳴

田居值雨

猛風吹雨暗松陵卷我衡茅定幾層在野忽驚

身似客寬心聊借酒如澗天寒群雀爭投樹水
冷游魚不上層坐聽野人談重賦向來康濟愧
無能

簡孟錫時棄淄令還

偃仰青林樂事實花封何羨漢郎官虛名已逐
浮雲散世路真如蜀道難峴首共垂羊祜淚綈
袍誰念范睢寒獨憐舊學今同隱江上黃花好
共看

送葛太守赴洛陽

曲江聯珮挹清芬同榜才名漢子雲蓬跡久從
天外轉虎符初向洛中分棠邊熊軾堪敷政日
下龍旂好策勲獨嘆白頭垂釣客幾時江上更
逢君

奉和大司寇顧公引退恩留之作

乞歸遵制敢謀身簡命重沾荷紫宸聖世故應
存舊德名山未許着高人望鄉轉覺滄洲遠憂
國翻增素髮新見說廟堂多大計至今虛席待
公論

民日報 卷六
春夕顧淵甫載酒過訪席上次余伯祥韻
移尊衡宇對芳春兔脯葵菹次第陳素雪滿簾
搖畫燭碧山當戶隔紅塵杯中栢酒留殘臘曲
裏梅風應早春白首論文如不愧更看花外駐
車頻

文太史贈詩依韻奉謝

南郭新陪野鹿踪東山遙憶紫芝容江湖渺渺
來雙鯉子姓翩翩勝八龍闕下久辭金驥裏雲
中長對玉芙蓉閑門問字多車馬未許烟霞盡

日封

再賦謝文丈

丈人九十卧丹房手寫新詩寄草堂紙上雲霞
成采色山中泉石借輝光伯陽見說逢關尹方
朔曾看侍漢皇淺薄倘容陪杖履移家將住劔
池傍

山堂新成簡太守姚丈

還鄉思伴白鷗眠別業新開水石邊三逕敢云
陶令宅一丘真勝洛陽田養鷄牧豕生涯淺剥

東原葵野興偏前輩風流欣接近追隨閒說敬
皇年

趙子明載酒奉姚丈訪予山堂

谷口逢君探早春芳筵欣就草堂陳溪桃背日
紅猶斂徑柳含風綠未勻仙客由來輕紫綬野
人元自愛綸巾竹窓水檻淹留處緩酌清談意
總真

黃民部李水部出郭見訪

並轡聯輿到水濱開尊張樂對芳辰漫勞畫省

辭公事遙向青山問野人四海英雄元結契一
川花柳自藏春飛騰望展匡時策潦倒從歌漉
酒巾

阮職方過草堂作

郊扉幽閫對青岑司馬移尊喜見臨三月鶯花
遙對酒百年兄弟一開襟柳邊遲日催春暖溪
上輕雲結暮陰白髮山林知己少不妨公暇數
相尋

答陳叔行

碧梧翠竹俯蒼郊野老歸休小結茅春燕頻來
如有約曉猿相對不須朝新開曲沼菰蒲發舊
樹長松鶴鶴巢門逕翛然冠蓋少合歡強半布
衣交

五十初度二首

年臨半百喜無官斗室周旋也自寬伏櫪久忘
千里遠巢林唯借一枝安青春扶病頻收藥白
首逢人懶正冠敢望壽齊磻谷叟預愁熊夢到
漁竿

五畝新成雲外宅百文常挂杖頭錢天邊結綬
翻疑夢海上求仙未有緣小徑松筠開夏色平
湖舟楫傍晴烟中年悟得逍遙術不是行歌卽
醉眠

王元簡春捷報至

名山抱璞年非淺雲路攀龍志已成駟馬不孤
題柱客泥金先慰倚門情天邊鷓鴣邀新侶谷
口藤蘿別舊京玉署蘭臺俱只尺佇看敷納見
平生

新秋內親載酒過訪

楚天涼雨洒江城炎赫全收白苧輕遂有美人
携桂醕共來山館試萸羹高垣露下梧桐冷曲
檻風迴蠟炬清舊日何戡仍皓齒旋翻商調入
秦箏

秋日江右諸舉人集飲

文采江藩第一流翩翩來駐孝廉舟茅堂綠樹
逢今雨天闕涼雲送早秋館閣選才知並入山
林開宴喜同游英雄此會寰中少莫惜高車入

夜留

誕日謝朱老惠鶴

野老頭披白氎巾遠携雙鶴贈山人雲霄舊是
高飛侶江海今陪獨樂身清唳故驚飛蝶夢長
生先應設弧辰勿云三逕非寥廓得避虞羅卽
養真

贈劉太守

蜀中舊羨凌雲賦闕下今傳諫獵章撫字暫勞
周岳伯寰區重見漢循良甘棠繞郡應千樹白

鹿隨車定幾行。卽覩秉釣頭正黑。上台南極兩
輝光。

喜文大壽承至

建業相逢三十秋。燕磯牛渚舊同游。嗣宗對面
還青眼。元亮歸田已白頭。花下盃簪杯重把。山
中憂世涕長流。古今才大難爲用。馬援何須嘆
晚收。

謝周君可見過

秋風江上憶周郎。忽漫停車問草堂。海內君爲

膠漆友。山中誰念芰荷裳。十年並轡塵蹤遠。七
月烹葵野興長。公暇可能頻駐馬。柴門今有菊
花觴。

送沈子節還浮梁

白門誰識種瓜人。問字憐君駐馬頻。久客瞻雲
懷梓里。清秋旋轡度江津。登堂獻壽春盃綠。閉
戶攻文藻思新。較藝重來還有日。爭看天馬出
風塵。

天文。

九月一日淵甫載酒過草堂作

良日利 卷六
佳士欣逢顧長康。移尊來問浣花莊。寰中節序重陽近。谷口生涯晚稻香。首菊苑邊初下鴈。芙蓉堤上欲飛霜。得朋對景能無醉。不是參軍老更狂。

懷顧世安

移家聞說過吳趨。爲復還尋海上居。薪木詎傷曾氏宅。雲霞應護鄴侯書。三江落日唯聞鴈。五柳清秋早閉廬。豹虎漸消書未達。楚天東望倍愁予。

九日小堂偶集再別沈子

九日風烟慘客襟。小堂開宴當登臨。遙空霜氣來江鴈。近市寒衣響暮砧。四海干戈常在眼。百年朋舊幾知音。明朝愁送仙帆去。醉把黃花思不禁。

送太學楊義問乞假還甬東成婚

清才不忝校書郎。二十芳名動建康。來傍賢關初鼓篋。去逢河漢恰成梁。水邊詩句題桃葉。臺上簫聲下鳳皇。策馬重過看擢桂。名家喬木有

輝光

送汪秀卿乞假歸省

青年文采照成均來往柴桑咲語溫忽見白雲
懷梓里猶乘斑馬出橋門綵衣獻壽高堂喜雪
案窮經壯志存二月望君旌旆色子雲亭上重
開尊

冬日伯祥載酒過訪同唯夫淵甫

良友携尊續舊歡德星同聚子陵灘竹垣月下
光如畫草閣風收夜不寒象板故隨箏柱急金

杯偏映燭花丹白頭喜對青雲客繾綣都忘玉
漏殘

蕭子歟移酒偕殷夢弼樂乎先余唯夫趙
子卿魏壽甫周以公見過時余小病禁
飲

寒宵踈雨洒巖扃接坐金杯映草亭席上總懷
和氏璧天邊誰識少微星三年著述玄仍白萬
里飛騰鬢各青不是微疴妨痛飲聞歌寧忍獨
為醒

贈鄭子引

與君童稚卽情親甲子同驚五十春
試問風塵耽薄宦何如江漢著閒身
院邊竹樹開碁局水上蘋花拂釣綸
近說有方能却老可能分贈白頭人

送余唯夫

策馬遙從北極來橋門同羨出群才
山中愧我違時久花下逢君笑口開
畫鷁望鄉衝暮雪神蛟潛地候春雷
雲霄此去江湖遠莫恠臨岐勸

酒杯

送汪元鶴乞假歸省

束書曉別大江東故里雲光在眼中
去路貂裘沾朔雪還家斑袖舞春風
掄才久愛文如錦說劍翻驚氣吐虹
聞共阿咸還枉駕一尊重醉百花叢

癸丑除夕

椒花薦酒預迎春百歲平分是此辰
文字得名慚小技列卿歸第荷皇仁
塞傍失馬休言福夢

裏生松恐未真所願普天歌大有金尊常對白
頭親

送謝叅政赴浙江

玉堂仙客下金閨十載風塵逐馬蹄梓里錦衣
當晝入薇垣新命自天題官階早喜鈞衡近鄉
譽空慙李杜齊別後逢人詢朽劣漁竿無恙對
清溪。

送王宮諭奉詔還春坊

學士南遊多逸興彩毫題徧大江東承恩忽返

瀛洲駕謁帝重趨紫極宮轉盼勲名黃閣上徘徊
離思綠尊中何時定有停雲賦須寄金陵白
髮翁。

張觀察乞歸得允

綸音南下許歸田清世長辭獬豸冠勇退共推
臣節羨遂閒真荷聖恩寬成都一鶴聲名舊少
室三花夢寐安更喜滄江新得侶秋來同把釣
魚竿。

半橋詩贈陸丈

古橋橫檻半臨淮太守東歸結釣臺春水直從
銀漢落晴窓遙對玉虹開浴鳧飛鷺過吟席苔
色波光映酒杯百歲放歌鰲背穩石梁何用覓
天台

題陸丈金室

投簪歸卧漢陰畦靜室全生學馬蹄牀上白雲
秋不散窓前珠鶴晝同栖玄心已到崑崙上秘
館還將太乙齊我亦辭榮將學道欲陪仙杖問
交梨

玉陽壽詞

不逢車馬到柴桑回首塵踪歲月長淺薄謬陪
龍虎榜風流先問水雲鄉樓居結就青霞滿仙
帔裁成玉雪光樗散自憐頭白盡欲從瑤館乞
丹方

秋興八首

雲物淒清節序催山人懷抱若爲開城頭鼓角
逢秋勁江上魚龍入夜哀陶令無錢思貰酒杜
陵多病強登臺川原搖落生悲思欲賦慙非宋

玉才

碧梧凋盡露華零江氣遙含島嶼青水冷游魚
依密藻天空鳴鴈落長汀虞翻骨相由來蹇阮
籍沉酣久未醒闕下故人勞問訊山中惟著相
牛經

老向都門學種瓜炎涼長是惜年華西堂蟋蟀
還依草南浦芙蓉已著花蓬鬢故應裁白幘塵
容何處覓丹砂秦淮東望秋濤淨醉後思乘上
漢槎

述懷

8

當年簪笏侍金鑾閭闔晨趨玉漏殘九奏曉從
丹禁出五雲晴對鳳樓看含香尚憶登三殿持
鑑真慙領百官永夜夢回霄漢遠秋江空老釣
魚竿

翡翠何年款聖朝海天鯨浪未全消江湖狼火
頻驚眼道路龍泉各在腰今日中原多戰壘幾
時名將掃氛妖艱虞削迹懷朋舊河上雙魚久
寂寥

大明九葉帝圖隆聖主端居紫極宮四海衣冠

移冀北萬年龍虎鎮江東
清秋甲帳周廬外白露園陵
俎豆中滿眼桑麻忘帝力
尸鄉堪老祝鷄翁

城郭秋清夕照明憑高一望
四愁生花飛梁武談經地
雲繞吳王鑄劍城江上波濤
誰擊楫亭前風景欲沾纓
夷吾江左今誰是惆悵英雄
萬古情

雲白山青江亂流高城旌旆
晚悠悠藏身未試樓蘭劍
散髮須登范蠡舟海霧入空
能蔽日澗

花含露總迎秋越南冀北驅
車地獨立西風想舊游

贈醫

皂帽飄蕭游帝鄉江湖生計
一青囊瑤筐舊貯延年藥
橘井新傳抱朴方但見國中
逢扁鵲不妨市上識韓康
山人亦有烟霞疾何日金丹
寄草堂

馮汝強哀詞

常恠嵇康書不至乘雲何意
作仙游龍墀未試

三千字鶴駕先尋十二樓間弄綵毫凌鮑謝醉
彈雄劔睨王侯高風尚在交期盡獨把牙琴涕
未休

九月廿五日同客泛舟自石城直抵江上
石頭城下木蘭舟乘興壺觴結伴游盛世金湯
真設險深秋蒲柳易生愁波連楊子鼃鼃隱山
繞盧龍紫翠浮見說海東豺虎亂莫教喧近落
星樓

徐太守自宛城至陳憲察邀余夜集話舊

芙蓉闕下彈冠日雨散星分歲頗多寒菊朔雲
欣此會江湖廊廟意如何尊前月帔仙人相海
內金聲大雅歌陳榻爲君今始下不妨留醉卧
烟蘿

送徐太守兄弟

君家兄弟詞林彥到處登臨秀句多獨恠仙踪
爲別易却看雲樹柰愁何青精飯煖惟須飽白
石吟成好放歌見說春風還在駕柴門重爲掃
藤蘿

金隱士移家入宣城臨發贈句

餐霞有意出人寰千里移家別故關
草閣長拋淮水月鹿車遙上敬亭山
著書擬傍蓮峰坐採木應從玉洞還
他日壺天懷舊侶好分仙藥駐塵顏

高太僕許過白下俄拜順天尹有書寄別

竟不果會悵然贈詩

未奉仙旌過草堂早趨嚴召上明光
雲霄總識新京兆江海誰知老奉常
左闥追隨慙倚玉內

朝敷奏憶含香亦知調燮須公等
獨嘆離群歲月長

王司馬園賞梅偕張憲察

結駟遙過司馬門梅花亭下送芳尊
巡簷詎羨繁桃李投轄真逢美弟昆
絳萼折來翻引興冰姿看去欲銷魂
同遊何幸隨張翰幽意無窮好共論

贈傑上人

對面南山翠作堆高僧卧處絕氛埃
留賓自辦

伊蒲饌說法時登般若臺頂上秀峰看漸長林
間祇樹憶初栽百年淨土逍遙地獨許淵明載
酒來

三月晦日阮駕部李水部過訪

臺省心存澗壑邊開尊來坐草堂烟青霄喜見
鸞凰侶白髮羞稱犬馬年橫笛短簫翻妙曲淡
雲疎雨映長川莫言荒塢春同盡尚有幽花照
綺筵

夏至日同年諸公集貽穀堂次陳憲察韻

上客停車五柳前萱枝蓮朶照賓筵論文藝圃
慙豪俊躍馬天街感歲年日麗長空時正永雲
生孤岫地應偏合歡未用歌瓶罄陶令今多種
秫田

送袁宗聖會試

當年校藝過名省愛爾文如漢子雲江上獨乘
青雀舫山中來問白鷗群一尊坐喜逢佳侶三
策行看答聖君更羨高門盛材俊題詩同過曲

江濱西泉書館

歸田稿

卷六

七

西泉壽詞

長才不肯鳴當世玉兔泉西自結廬共說子真
栖谷口絕勝司馬待公車青袍譽重傳經日白
首身輕訪道餘最是無憂偏益壽佳兒能誦鄴

侯書

謝高侍御寄試錄

江漢英才夢寐餘繡衣忽送薦賢書愛看進士
茅同拔遍覽雄文錦不如敢謂孫陽知駟耳幸
逢和氏辨璠璣羨君爲國功非細此去賢良滿

禁廬

送張月鹿

荏苒風塵滯客裾冰霜回首念鄉閭門在駕
偏憐汝長路分襟獨愴予海國難逢齊鮑叔泰
壇終薦馬相如江湖早晚銷金甲莫向山中不
寄書

文洲壽詞

昔時天路見飛騰勇退于今說季鷹白首壺觴
招隱逸青雲家世接孫曾夜從北極瞻星拱曉

傍東溟看日升見說壽筵賓從滿豈無詞客賦
岡陵

送武四赴選

雪晴天外見紅雲獨把瑤觴一送君江上錦韉
初作客苑邊黃鵠乍離群路經馬頰雙流合日
近龍鱗五色分此去彈冠非俗吏詩名元繼鮑
參軍

雪後盛仲交偕徐子勤携酒見訪真州盛
當時適至

詞客風流謝眺同寒宵留醉碧巖中偶逢乘興
山陰客况對忘機海上翁用拙不妨呼以馬才
高直見氣如虹合歡莫問匡時策潦倒空餘兩
鬢蓬

送陳子野會試

疋馬衝寒出舊畿手携三賦謁金扉攀龍天上
期應近叩角山中夢已非好引英雄同釋褐喜
逢堯舜正垂衣看君獻納酬知遇溫飽休令始
願違

良日利
卷六
余未登泰山讀顧尚書書陳士雅扇頭之
作蓋若身陟其顛矣士雅屬和因賦
巖巖氣象壓東溟上有秦松萬古青地擁衆山
俱在下天開五嶽此尤靈未明海底先窺日向
晚巖頭可摘星自笑白頭空仰止振衣遐眺幾
時能

春雪次康宗伯韻

春至濃寒苦不銷卽看雪片入春饒未論到地
融融濕翻恠迎陽獵獵飄遠送瑤篇真寡和偶

沾蓬鬢竟難消瓊樓見說韶光滿安得乘風上
沈寥

乙卯除日書懷

來日年登五十三久無名姓挂朝叅風流自信
追江左聲價誰云遍斗南囊駐丹砂將却老庭
栽芳樹總宜男勿云剪拂還千里瘦骨伶俜恐
不堪

丙辰元日

望闕遙呼萬歲三江湖元旦憶朝叅屠蘇飲遍

歸田稿 卷六
愁居後籬落開成喜向南寒暑閱人真是客乾
坤生我幸爲男春來酒伴如相約問柳尋花興
頗堪

春日獨坐偶成疊前韻

良友難逢益者三玄機時向靜中參孤松舊種
當軒北五柳新栽繞舍南座有琴書聊免俗生
無勲業愧稱男莫言苦海回頭早平地風波更
不堪

送沈子還浮梁

白雲飛處見青山鼓篋遙乘畫舸還雙旆翩翩
楊柳外一尊惆悵杏花間看君積學須鳴世顧
我無朋且閉關想到鷓原春未晚庭前荆樹好
同攀

答費山人

回首彈冠二十年逢君猶記在幽燕舊推老氏
能知白近說童烏已與玄何用浮名干物議欲
隨仙杖息塵緣曉來江上停雲坐喜送雙魚入
釣舡

至日雪次林太常韻二首

至日彤雲雪霰催農祥先傍一陽來封堦直擬
堆寒玉入樹翻疑綻隴梅窮巷袁安唯擁被挂
冠陶令好啣杯撒鹽舞絮皆堪咏潦倒慚非謝
客才

老去憂時願歲豐喜看靈雪四郊同瑤山亂擁
長江外玉樹齊開禁苑東六管陽生灰已動五
湖冰合棹難通遙知聖主燔柴夜定有齋心格
上穹

薛仲常憲副自關中棄官見訪留飲贈句
故人下馬坐斜暉久別俄逢喜欲飛獨惟遂闕
經濟手不應同着芰荷衣牙琴調古知元少郢
曲才高和定稀所喜樊籠今並脫直須共採北
山薇

太常邀賞牡丹以病未赴林公有詩次韻
名花開處集群公把酒看花逸興同酒盞即如
瓊海碧花枝元是洛陽紅筵前邂逅仙爲侶亭
下芳菲錦作叢自咲邀歡常抱病不隨軒蓋坐

歸田稿 卷六
春風

趙太守宅賞燈值雨

華燈照夜影參差
柱史開筵集故知
曲按黃鍾偏應節
酒分瓊海恰盈卮
不妨山雨來仍急
只恐良宵去莫追
歸路接羅沾濕好
新年初醉習家池

魏國篤軒公壽詞二首

開國諸王首巨宗
承家七葉見明公
舊京管鑰恩常在
盛世干城望獨隆
雲鳥陣圖尊俎上
金

湯形勝保釐中
蓬壺設處緋衣滿
頌壽應將海嶽同

長夏朱門錦席開
東來紫氣滿瑤臺
霓裳迭奏金為縷
碧海頻傾玉作杯
國倚元臣為柱石
人從樞府見蓬萊
共知福筭元無極
花甲纔逢第
一迴

送周水部赴蕪湖

一舉早魁天下士
十年初作水曹郎
尊前說劍懷逾壯
海上分襟歲頗長
交誼豈能忘
鮑叔壯

民日報 卷六
齡何用嘆馮唐濟時見說徵豪傑搖珮行看入
建章

答黃聖生

彩豪落處紫霞飛吳下才人是陸機大器故知
成較晚高山休道聽全稀慚余抱病身宜退愛
爾論文意不違世難已平歸漸近不妨留醉向
荷衣

送王伯諧赴選

綠髻彈冠辭舊國錦韉搖轡上京華天南珠樹

才真秀江左青箱譽更嘉鴈陣下時懷共被駟
車旋處味宜家他年幕府知多暇乘興須來問
浣花

贈陳星士

當年春榜未題名惟爾知來數極精豈有文章
如董子果然推步是君平看周花甲身逾健聞
遇仙人道可成莫話爲官吾已老對君惟有學
長生

謝朱太守惠梨

宣城珍果甘如醴太守封題遠寄予共說薦新
開寢廟豈知分惠到山居剖來寒映尊罍上嚼
處香生齒頰餘自咲茂陵書未著却令消渴病
先除

答汪道甫見懷

高士栖山翠四圍談玄誰奉赤霞衣百年朋舊
嗟難聚千里封題苦易違夢入京華猶夙昔寄
來詩草倍光輝端居未用憂群盜不久將軍獻
凱歸

贈馮戶部

宦轍周流西復東舊京初拜漢司農雄文別久
應堆案道氣年來更滿容官舍橫琴對山水行
囊插劔走蛟龍老成自是鈞衡器肯向清時嘆
轉蓬

姚母壽詞爲令子元白賦

安仁喜奉慈顏勝日坐芳園眺帝州翠岫巧當
花榭出丹泉常傍鹿車流仙姑度海傳青鳥詞
客登堂賦栢舟麟鳳滿前家慶遠霞裳應是閱

千秋

和孟錫秋夜之作

城頭月起淡烟生。坐上風迴短葛輕。卽把酒尊
殊有興。却看團扇已無情。露沾藉草蛩爭響。雲
斂長空火漸傾。聞說詞人才轉律。定揮斑管賦
秋聲。

姚太守宅讌集

八月東郊宿雨晴。丈人開宴集耆英。綠尊細瀉
松花釀。碧碗香分錦帶羹。轉愛幽居如渭曲。久

聞仙骨是方平。忘年謬許陪高會。盡日閒聽論
養生。

田居新成對酒有作兼示兒輩

郭外誅茅二頃餘。軒楹踈豁稱幽居。滄浪地近
纓堪濯。翠壁天開畫不如。市遠魚鰕登俎。且年
豐禾黍徧郊墟。爾曹立志非餬口。松桂林中好
讀書。

冬日獨坐成詩

歲晚山城雪霰零。蓬門無客晝常扃。年光轉盼

驚流電朋舊稀疎嘆曉星竹塢新開安藥鼎芸
窓閒坐著茶經荒園百卉凋應盡惟有寒松只
舊青

擁塞空山萬事慵每因多病減歡悰逢人但借
青囊錄對景全拋白玉鍾閣內製衣更舊絮厨
中鑽火試新春曉來多背茅簷下惆悵無因獻
九重

陳太夫人壽詞

聞向瑤臺乘白鹿見從金馬擁雕輪文章迥出

班姑上聖善真爲孟母隣碧海送書逢吉日錦
堂開宴接長春翟冠綠髮逍遙地喜看青雲滿
後塵

栢臺雙壽詩爲朱侍御作

仙人同住玉臺邊義範慈風並可傳教子早爲
駮馬客迎恩長拜紫鸞箋明星婺宿搖華屋桃
朶椿枝捧壽筵丹轂對乘還不老天門休賦望
雲篇

棲霞寺

名山遙隱前朝寺詞客邀賓並馬來靈像舊從
蒼巘刻禪房新向白雲開松門上下峰巒合石
逕參差澗壑迴此地攝生多異草移家思傍翠
微臺

觀攝山泉有懷先考功封君

石蓮湧出靈泉水滉漾疑從碧漢來千古真源
常不竭百年塵抱頓能開風前裊裊冰花落澗
外溶溶雪練迴一自吾翁乘鶴去濯纓誰到勘
經臺

地理

登觀音閣

十年再眺臨江閣偏愛江流滿目來陰霧盡收
千嶂列長風初定亂帆開磯頭日煖鼉鼉出殿
角鍾鳴鶴鶴迴却望丹丘藏紫府只疑塵世有
仙臺

司馬憲副以游棲霞寺詩見示次韻

寂歷空山鳥道微上方樓閣澹朝暉年深秀栢
欹仍茂地遠紅塵淨不飛澗水細流三品石苔
痕欲暗五銖衣與君同是逃名客好對湯師話

息機

贈呂丞

黃綬翩翩別晉陽
祁山停蓋見循良
爲儒早厭雕虫技
佐牧新傳種樹方
官舍懸魚終不染
棘林棲鳳暫何妨
花封且喜隣畿甸
時有賢聲到草堂

中秋喜馮侍御謝考功至

三十四年同榜客
今宵並馬到茅堂
天邊涼月分秋色
座上清尊對鴈行
少壯忽驚成皓首
江

湖休嘆隔巖廊
獨愁別後相思處
依舊烟霞各一方

送羽伯赴陝西叅議

濟時元自屬英雄
新命薇垣寵數隆
身著緋衣過隴右
手提珠劍出江東
金城久待安邊策
麟閣看書破虜功
却笑同時題柱者
年來空老蠹魚中

贈高學職

頻年官舍一寒穉
儘有文章白下傳
大郡正迎

新絳幄故山俄憶舊芝田由來好學推高鳳誰
道清時老鄭虔寄語雙峰須勸駕不須多著白
雲篇

秋日飲司馬憲副宅

獨樂園中無雜賓獨邀詞客味芳辰梧桐浥露
飛還淨蟋蟀迎寒語故頻解帶遂成黃菊會垂
竿俱是白頭人坐深涼月山頭出却照清尊爛
似銀

職官

送大司徒馬公考績

上卿報政謁金扉霜節揚旌別舊畿雲裏遙看
台宿轉日邊先聽履聲歸向來裕國留長策此
去承恩握化機為謝南遊頻枉駕肯容愚谷借
光輝

贈潘醫士

衮衮上池常不竭流從川後碧於苔頻收靈藥
和雲洗新結丹房映竹開方外秘書巖畔得江
東生意掌中回橋過白下人如蟻半是君家種
杏來

盧苑卿宅賞菊

千樹寒花手自栽，清秋迴抱綺筵開。坐來頗覺香成陣，看去還疑錦作堆。乍喜主人拋紫纓，翻勞邀客醉金杯。爲耽入暮饒佳色，檻外移尊未許回。

贈鄭羽士

冶城高士結幽亭，福地雲門晝不扃。曉著霞衣朝紫府，夜焚螺甲課仙經。杯傾玉液堪逃世，鼎貯丹砂好鍊形。鶴貌自今還不老，瓊臺長見五

芝青

贈周公瑕

美人駐馬問茅茨，寒夜蒸鳧送酒卮。彩筆江湖流譽蚤，白頭天地訂交遲。細看雅度如黃憲，每讀雄文類左思。誰道吳山堪戢羽，飛騰終上萬年枝。

送勞進士

青髻彈冠上禁廬，文章元是漢相如。采風獨把皇華節，訪舊先尋水竹居。共道清時呈鸞鷲，敢

云哲匠識璠璵遙知畫錦寧親地橋畔爭看駟
馬車

與陳九臯話舊

越江分袂十年時亂後重逢涕欲垂仙客孤標
元似鶴野人雙鬢忽成絲衝寒喜駐王猷棹秉
燭貪聞謝朓詩莫問挂冠何所事閒心惟有洞
雲知

答楊以公憲副見懷

文章舊識攀龍客風采同稱攬轡年西蜀楊雄

真不忝東京相典未應先書傳江海勞相憶威
在邊庭信獨賢清世望君持大軸白頭容我卧
蒼烟

大宗伯孫公枉過贈詩依韻奉謝并訂芳

春之約

廟堂詞伯愛烟蘿野老柴門幾度過賦就每題
彭澤柳書成堪換右軍鵝隴梅向日舒紅萼淮
水迎春長綠波眼底韶光易流轉新年高興復
如何

除日次顧孝常韻

華燈徹夜照庭除斗柄徐看轉碧虛歲序總凋
潘岳鬢生涯空聚鄴侯書十年不謁山龍袞五
畝長依水竹居却恠楊雄甘寂寞更將詞賦待
吹噓

送余伯祥讀書永興寺

舊京豈少雕蟲客倚馬穿楊獨爾能避俗暫辭
烏鵲鎮載書遙上白雲層晨搖彩筆沾花雨夜
檢芝函借佛燈整翮向秋知轉徙直從天路看

君處


飛騰

贈何翰林致仕居金陵次文太史韻

金馬來時動鎬京銀魚焚後別西清才人豈厭
承明地高士元多谷口情買得曲池堪鬪鴨種
成芳樹好藏鸞秦淮亦是機雲宅鄉夢休過白
苧城

送兒輩讀書山莊

青春結伴出郊墟並坐山堂讀古書塵土不侵
鵠鵠硯奎光應照薜蘿居爭彈寶劔懷何壯對



P 40 以后缺

草雄文思有餘努力向秋同擢桂題橋何羨漢
相如

盧比部邀飲鳳皇臺席上分韻得花字

隱隱軒亭臨水石翩翩歌舞出烟霞韶光早近
清和節勝地齊開富貴花絕愛仙郎能授几濫
陪詞客共停車登臺不用悲前事今日車書總
一家

庭中大紅牡丹盛開席上次司馬憲副韻
花吐天香氣不寒臺張翠幕雨初殘細論艷色

